

云南史料丛刊

第五十三辑

云南大学历史系
云南地方古代史
研究室
(原民族历史)



雲南史料叢刊第五十三輯目錄

滇南志畧卷三

滇南志畧卷之三分目

曲靖府 領州六縣

南寧縣

霑益州

陸涼州

馬龍州

羅平州

尋甸州

平彝縣

宣威州

一頁——七

七頁——一二

一二頁——一七

一八頁——二三

二三頁——二八

二八頁——三三

三四頁——四一

四一頁——四六

四六頁——五二

麗江府

領二廳二州一縣

五三頁——五九

麗江縣

五九頁——六二

鶴慶州

六三頁——七〇

劍川州

七〇頁——七六

中甸廳

七六頁——八〇

維西廳

八〇頁——八六

普洱府

領廳三縣一

八七頁——九四

寧洱縣

九四頁——一〇〇

思茅廳

一〇〇頁——一〇七

他郎廳

一〇七頁——一二二

威遠廳

一二二頁——一二八

滇南志畧卷四

滇南志畧卷之四分目

永昌府

領廳二縣二

一一九頁——一二九

保山縣

騰越廳

永平縣

龍陵廳

開化府

文山縣

安平廳

東川府

會澤縣

巧家縣

昭通府

恩安縣

鎮雄州

永善縣

領廳一縣一

領州一縣二廳二

一二九頁——一三八

一三八頁——一五一

一五二頁——一五六

一五七頁——一六〇

一六一頁——一七二

一七二頁——一七四

一七四頁——一七六

一七七頁——一八九

一八九頁——一九一

一九二頁——一九七

一九八頁——二〇二

二〇二頁——二〇六

二〇七頁——二一四

二一四頁——二一七

大關廳

魯甸廳

景東直隸廳

蒙化直隸廳

二一七頁——二二〇

二二〇頁——二二二

二二三頁——二三一

二三二頁——二四二

曲靖府

曲靖府，在省城東二百九十五里，禹貢梁州之域，漢為益州郡，蜀漢屬建寧郡，宋齊屬甯州建寧郡，唐置總管府，貞觀元年置都督府，後沒於蒙氏，置石城郡，元初立磨彌部萬戶，至元八年改中路，十三年改曲靖路總管府，二十五年升宣慰司，明洪武改為曲靖軍民府，國朝改曲靖府，領州六，縣二，屬迤東兵備道，嘉慶設知府一，教授一，訓導一，經歷一。其境東至貴州普安界一百七十里，西至嵩明州界二百二十里，南至廣西府界一百七十里，北至貴州威寧州界四百五十里，東南至普安界二百五十八里，西南至路南州界一百三十里，東北至威寧州界二百七十里，西北至祿勸州界四百六十七里，東西距三百九十里，南北距六百二十里，至京師一萬三百里，城為明洪武二十年建，甃以磚，周六里三分，高三丈，設四門，東曰樂耕，南曰來蒸，西曰勝峰，北曰迎恩，明末遭沙賊流寇先後焚毀，康熙二年新建，五十一年地震復圯，雍正四年，總督鄂爾泰題請動公款重修。

建四城樓，無池。郡境負山據江，平疇廣野，為全滇之鎖鑰。作兩廝之門庭。山為南龍大幹行度之所，左右皆其分支。水則車洪江界其北，南盤江旋繞境內，北盤江發源東北，塊澤雞場源流並在東郵，歸於南盤。所屬土曠風多，霜繁霧重，天時微寒，穀宜晚稻，然氣候和平，並無瘴癘之疾也。道光七年，實在成熟民田，地七十七百四十二頃四十九畝三分零，夷田一十四段，實徵正耗夏稅麥秋糧米共一萬一千二百五十九石九斗九升零，條丁等銀共一萬四千一十三兩四錢二分零，成熟屯田地八百六十四頃八十五畝一分零，實徵正耗夏稅秋糧麥米豆穀等共五千八百九石九斗四升零，條丁等銀除軍舍丁銀豁免不計外，共三千三百八十兩六錢四分零。民屯二賦實徵公件耗羨銀共七千九百七兩四錢一分六釐，觀場田租銀九兩六錢一分零，差發銀二百三十二兩二分零，丈報陸地納租充餉銀八兩七錢九釐，開墾成熟馬場地九頃八十一畝三分三釐，實徵地租銀二十一兩八錢七分，馬場地租銀六百三十三兩八錢九分。

零羅平州夷祖穀一千八百三十二石四斗九升，尋甸州四十八石，
 舊一百六十一石五斗，曲靖衛馬場本色祖穀七百一十七石八斗
 九升。實徵交水稅課局商稅額銀一千三百八十六兩，雍正二年新
 增歸公商稅銀一千兩，新增歸公稅規銀六百八十五兩，六年新增
 歸公稅餘銀五千二百六十八兩五錢八分三釐。道光十年實在上
 著民戶九萬二千三百七戶，男婦大小四十九萬七千八百四十六
 丁，土著屯戶二萬七千八百八十四戶，男婦大小十六萬四千九百
 九十丁。舊有雙龍銅廠，在尋甸州北九十五里，東距府城二百四十
 五里。乾隆四十六年開採，定額銅一萬三千五百觔，運供京局，間撥
 本省銅局。四十九年定出銅百觔，抽課銅十觔，照不拘一成例，通商
 銅二十觔，官買餘銅七十觔，每百觔給價銀六兩九錢八分七釐。過
 關辦銅一萬四千六百二十五觔，由字原則東道專管，由字原
州府經營。士風尚廉恥，與物和平。學額二十名，廩生四十名，增生四
 十名，一年一貢。建有興古、南城、曲陽三書院及三義學，科第人材

材字原改。後先崛起。城中駐劄副將一員，統轄本標左右二營。左營
 兼中軍都司一人，中軍守備一人，駐紮尋甸州千總二人，把總四人，
 外委六人，額外外委四人，右營守備一人，駐紮羅平州千總二人，把
 總四人，外委六人，額外外委四人，二營共兵一千三百八十六名。民
 俗勤耕織，好興訟，兼事商賈，習尚簡樸，頗信釋教，婚姻則論門第，惟
 夷居語言不同，嗜欲亦異。其種類則有僂夷、沙人、白人、苗人、羅羅，而
 羅羅亦不一。營屋羅羅居處飲食衣服類黑羅羅，而別為一種，乾羅
 羅。唐時隸東蠻部落，今則散居各處。撒彌羅羅或作灑美，其類不蕃，
 海羅羅一名壩羅羅，居平川種水田，土人以田土廣延者為海，又呼
 為壩，故名。或曰即白羅羅也。黑羅羅為滇邑貴種，凡土官營長皆其
 族類。仲人與黔省仲家苗同一族。宋時隸摩彌部，其人好樓居，男子
 纏頭，短衣跣足，婦女以青布為額箍，如僧帽然，飾以海巴耳綴大環，
 衣花布緣邊衣裙，富者或以珠綴之。白布束脰，纏足著履，男女皆力
 耕作，輸賦稅，嗜食犬鼠，風氣樸陋，病不服藥，惟務祭鬼，習俗大約與

沙人同。又有所謂蠻蠻者。唐書：自曲州、靖州西南，昆州、曲輒、晉甯、喻
獻、安甯，距龍和城，通謂之西蠻、白蠻。自彌鹿、升麻州南至步頭，謂之
東蠻、烏蠻，以烏、白為號，無姓氏。其稱蠻者，從主姓耳。漢初有白國王，
 其夷為白人，後有蠻王，則為蠻人。猶廣南夷，號為儂人之類。蠻蠻之
 名，相沿最久。其初種類甚多，有號盧鹿蠻者，今稱為羅羅。凡兩迤之
 內，依山名谷，谷字原改。險阻者皆是，名號差殊，言語嗜好亦因之而
 異。大畧寡則刀耕火種，眾則聚而為盜。男子椎髻，摘去髭鬚，左右佩
 雙刀，喜鬪，輕死。婦女披髮，衣皂，貴者飾錦繡，賤者披羊皮，耳穿大環，
 剪髮齊眉，裙不掩膝，以臘月為春節，病無醫藥，用夷生穰之。正號大
 現，或曰邦禡，或曰白馬，有夷經，皆蠻字，狀類料，精者能知天象，
 斷陰晴，其部長正妻曰耐德，非所生，不得繼父職。若耐德無子，或有
 子早夭，始及庶出者，無嗣則立其妻女，死以豹皮裹屍而焚，葬其骨
 於山，非骨肉莫知其處，多養死士，名曰宜可，厚贍之。每兵出，則宜可
 為前鋒，軍無行伍紀律，部夷稱夷長曰撒頗，華言主人也。大麥、小麥，

燕麥三種，俱植陸地。玉麥植於園中。麻札眼似飯豆，小而稍長。飯豆有紅、白、綠三種。關三，三岔關，在城西十五里，地屬縣。汎屬需益州。汎〔汎字原刪〕分水關在城東北，驛道所經，亦謂之分水嶺。汎，白水關在城東北八十里，係驛站，駐巡檢。上下俱需益州界。汎二十，汎三，南甯汎，曲尋協分防十總一員，步守兵四十四名。越州汎，曲尋協分防陸汎，把總兼防，額設步守兵二十五名。白水汎，曲尋協分防外委把總一員，步守兵六十五名。塘十五，係曲尋協中營兵丁分設。論曰：曲尋東通兩廣，西接四川，北連貴州。州字原改。國朝大兵三路入滇，俱會於此，實全滇門戶也。就一府而論，則羅平與黔省之普安、安隆等處，粵省之西隆地方接壤，界連云。三字原改。省夷藪，逋逃走險，最為要隘。而平彝當滇黔孔道，四面環夷，又其次也。自總督范承勲請以駐省右協移駐羅平，王繼文請於平彝設縣治，而後扼制聯絡，撫馭得宜矣。蓋寇自外來者，曲尋始當其鋒，孫可望之由黔入滇，往來事，事字原改。可監也。而賊自內起者，曲尋實扼其要，以黔、粵、川云。三字原改。

路，我可藉以為聲援也。也，字原刪。賊亦倚以為出入也。通屬地多平曠，無險阻可恃。惟雷益之宣威關，馬龍之分水關，陸涼之本谷關，惟拒守要地，其最要猶在漢、黔分界處也。有司牧者，平日於學校、農桑、賦稅、訟獄諸事，興利除弊，使民各安其生，以清盜之源，復於關汛、哨塘所設兵丁，訓練而整飭之，防患於有備，以期弭患於無形，庶不至有圍城掠寨，變起倉卒之虞云。

南甯縣

南甯縣附郭，漢同勞味縣地，屬益州郡。蜀漢、晉、宋、齊同。唐開元五年復改名，治味，屬戎州。元路治，初立千戶，至元十三年陞州，二十二年降縣，明仍為南甯縣。國朝因之，與府同城，設知縣一，教諭一，訓導一，典史一。其境東至平彝縣界七十五里，西至馬龍州界二十五里，南至陸涼州界壹百里，北至雷益州界二十五里，東南至羅平州界三十里，西南至馬龍州界十八里，東北至平彝縣界二十八里，西北至馬龍州界二十五里，東西距壹百里，南北距一百二十五里。山川

盤曲田地寬衍，白石江流其北，瀟湘江會其南，翠峯盤龍，巘岼西北，
 分秦、真峯起伏西南，皆幹龍也，東面分支下廣西，其逼近而列屏者，
 紫溪朗目、蓮花諸山，儼然在望，南則舊越州屬焉，幅員雖不廣，要亦
 居中而馭外者也。觀音山在縣南二十五里，臨瀟湘河，巖石陡絕，有
 洞可容數百人。分秦山在縣南二十里，四望平原，孤峯特立，藤蘿石
 壁，鳥道縈迴，相傳武侯南征，與諸蠻會盟於此。勝峯山在縣西二里，
 嶙峋聳拔，為羣峯望，明西平侯沐英勝達里麻於此。真峯山在縣西
 南二十里，怪石嵌空，林巒秀麗，山半有彌陀巖，後有普賢洞，負金山
 在縣西南十五里，石可為硯，有石穴狀若馬蹏，水深尺餘，童子初學
 書，汲水注研之，云字原改，可善書，俗因號為羲之硯池。翠峯山在縣
 西北三里，為府城屏障，其西為盤龍山，其西南為壩口山，白水關山
 在縣東七十里，紫溪山在縣東三十里，明初越州蠻阿資叛，沐春討
 之，至紫溪山，敗其黨，直抵龍窩擒之，即此。青龍山一名朗目山，又名
 黃榜山，在縣東二十里，其色蒼翠，遠望如屏。蓮花山在縣東南三十

里與真峯山對峙。湯池山在縣南二十里。明沐英征越州，駐兵於此。
 楊梅山在縣。縣字原刪。舊越州衛東十五里。山產楊梅。瀟湘山在越
 州衛南二十里。太和山石在城北二十里。山多石，曰返照，光與石相
 映，三日必雨。雙井在北關外，一井兩竅，傳為武侯所鑿。北河其上源
 曰交河，由霑益州入境，流經城東及城東南，又流經上橋，入山峽中，
 下天生大壩，趨亮子口，走越州下橋，下流入陸涼州界，即南盤江之
 上流也。臘溪，一名阿幢河，源出縣西北翠峯山西，盤龍山堰口北，下
 流為雙河，合半個烟子冲兩源，下流經鳳凰山麓，阿幢鋪等處，又下
 流入交河。白石江，一源出馬龍州東二十五里石巖間，為響水河，一
 源出馬龍州界乾海子，為札海子水，兩源合流至柳家壩，入北河。瀟湘
 江源出馬龍州東南木容箐東，下流經勝峯山麓，至城南，又下流至
 陶家壩，入北河。龍潭河源出霑益州東二十五里分水嶺東，平彝縣
 西四十里白水鋪西山峽中，流經境內東山，會東山龍潭水，又下流
 至天生壩，入北河。北字原改。河水利有滾水壩，在城東八里矣。卜村，旱

蓄潦洩，田畝利之。城東二十里有恭家大壩，郡中諸水俱會於此。分
 灌朗坦卜五圩田。下又有恭家小壩，引灌瓦子四村田。興隆壩，在城
 南十五里西山下，係石壩，蓄山箐之水。灌卧龍寺五村田。瓦廟石壩，
 在城南十五里，雍正八年，知府佟世蔭新築，蓄山箐之水。引溉何旗
 鄉五村田畝。觀音三壩，在城南二十里，舊建石壩三，上下相連，蓄水
 分灌南城等村田。天生石壩，在城西南五里，天然石斬，增培木石，即
 堪資蓄洩。引灌官廠院七村田。畢家溝古閘，在城東十里紅花海下，
 沙河新閘，在城南二十里，柳家壩新閘，白石江下流，向係東行，今改
 南行。將家壩，在城南三里，東山壩，在城東南二十里。大壩，在城
 西南五里。明洪武初，指揮劉壁築壩，醜渠為二閘，引瀟湘水，分灌東
 南三鄉四堡之田。年久湮廢。康熙四十二年，知縣胡麟重修。雍正八
 年，水衝堤潰，知府佟世蔭捐買民田，開溝築堤于左所壩左，引灌施
 家莊等八村田。山勢逼隘，沙石易淤。雍正間重修石壩，以防衝決。解
 家壩，在大壩下，餘如在城西南之陶家，樊兒等八壩，在城西之尹煤

衝余家、胡家等十三壩。堤則在城東者曰暗洞堤，曰三圩新堤，在城
 北者曰北沼堤，俱為田畝利實。在成熟民田屯田若干，實徵正耗夏
 稅麥秋糧米若干，歸公租米若干，實徵編條銀若干，火耗糧羨折色
 公件耗羨若干，額貯常平倉谷蕎一萬石，實徵牲稅酒稅魚課牙稅
 共銀九十九兩四錢三分三厘零。學額二十名，義學五廩生二十名，
 正額孤貧十名，額為孤貧四十六名。額設府前古城上新白水四鋪，
 鋪司四名，每名歲該工食銀三兩六錢。驛設白水馬四十匹，馬夫二
 十名，每名日該工食銀五分四厘。馬四十匹，每匹日該草料銀七分
 二厘。定南堡堡夫一百名，白水驛附定南堡堡夫一百名，無冷飯田，
 每名日該工食銀三分。此段入府志原注。三岔關在城西十五里地，
 屬縣汛屬密益州分水關在城東北驛道所經亦謂之分水嶺。哨白
 水關在城東七十里係驛站駐巡檢上下共密益州界哨共二十分
 設城四面南甯汛曲尋協分防千總一員步兵四十四名。越州汛曲
 尋協分防陸涼汛把總兼防守兵二十五名。白水汛曲尋協分防外

委把總一員守兵六十五名。塘十五俱在境內。曲尋協中營兵丁分設餘與府志同。

霑益州

霑益州在北三十里。漢夜郎地。屬牂柯郡。蜀漢晉屬夜郎縣。宋齊屬郎縣。唐為麻州地。元為交水縣。至元十三年置縣。屬霑益州。明洪武間廢。天啟初遷交水。建城為州治。國朝雍正五年分其地置宣威州。霑益州如舊。設知州一。學正一。訓導一。吏目一。炎松巡檢一。其境東至平彝縣界八十里。西至東川府界一百八十里。南至南甯縣界五里。北至宣威州界一百二十里。東南至陸涼州界九十里。西南至馬龍州界十五里。東北至貴州南籠府普安州界九十里。西北至東川府界九十里。東達京師。西聯省會。南通百粵。北控三巴。四達衝衢。山水交匯。八滇第一州也。城為交水治。易陬籠城。其先磨彌部酋蒙提居之。後大理國高護軍逐其子孫。為私邑。憲宗五年內附。至十三年。即其城立縣。明天啟二年。霑益土婦設科。叛目李賢陷州城。竝